

1603
H A R A N G V E

FAITE

PAR MONSEIGNEVR

LE DVC

DE BEAUFORT,

Aux Soldats Parisiens.



A P A R I S,

Chez LOVIS SEVESTRE, rue
du Meurier, près saint Nicolas
du Chardonnet.

M. DC. XLIX.

IIARANGVE

FALTE

PAR MONSIEUR

LE DVC

DE BEAUFORT.

Aux Soldats Partisans.



A PARIS,

Chez LOUIS SEVESTRE, rue
du Mercier, près saint Nicolas
du Chardonnet.

M. DC. XLIX.



HARANGVE FAITE

par Monseigneur le Duc
de Beaufort,

AUX SOLDATS
Parisiens.



ES très-chers compa-
gnons iusques à present
pour de très-grandes
considerations nous n'a-
uons point resolu de fai-
re sortir ses genereuses
troupes pour faire aucun
siegé ny attaque de ville,
pource que toutes sortes
de choses nous le deffendoient, l'hyuer, la gla-
ce & les eaux ayant esté si grandes qu'elles
estoient plus à redouter que nos ennemis. Nous
n'auons pas laissé d'esprouuer vostre extraordi-
naire resolution dans tous les conuoiis qui ont

A ij

esté faits en cette ville, de remarquer l'ardeur & le courage de ses braues troupes volontaires qui ont voulu donner iusques dans la glace & dans le feu au mespris de tous les perils euidens qui se pouuoient rencontrer; ce qui fut si remarqué mesme dans l'attaque de Charenton, qu'encores que les ennemis fussent logez en le poste le plus aduantageux qu'il fut possible de choisir, Vous murmuriez tous de ce que la prudence de Messieurs les Generaux vous empeschoit de donner, & ne pouuiez vous satisfaire ny d'eux ny de vous-mesme, d'auoir laissé perir des troupes qu'on ne pouuoit secourir. Quand au conuoy qui vient du costé d'Estampes, ie vous aduouë que ie ne puis me souuenir en mon particulier de ce iour, que ie ne m'estime tres-heureux de ce que ces braues troupes ayant sceu que i'estois en quelque peril, comme si tout ce que ce grand peuple à de pretieux eut esté exposé au pillage des ennemis, tout vn monde se mit sous les armes pour me secourir. Et ie ne mets pas en doute que tous les Princes Chrestiens qui auront sceu cette occasion ne portent enuie à ma bonne fortune, ne croyant pas qu'il s'en treuve vn parmi eux qui aye l'aduantage de faire armer cent mille hommes dans vne heure, cōme i'aurois, si on m'estimoit en quelque hazard. Toutes ses considerations, Mes compagnons m'obligent

à vous tenir chers comme mes propres vœux, à
 ménager vostre vie comme la mienne, & me
 joindre avec vous de pareille fortune. Vous ne
 mettez pas en doute les obligations que j'ay à ce
 braue Senat & à cette grande ville de Paris, j'ay
 eu cet aduantage d'y estre plaint lors de ma de-
 rention, & ie tiens que leurs vœux & leurs prie-
 res ont fait le grand coup de ma forme. Et la re-
 nant toute de Dieu, & d'un miracle, ie ne mets
 point en doute que sa prouidence ne m'aye or-
 donné pour vous seruir, & vous proteger contre
 les ennemis du Roy & de l'Estat. Enfin assurez-
 vous que comme la toute-puissance demande
 que nous cooperions avec luy, que i'agiray
 maintenant de toutes mes forces pour vous ser-
 uir, que ie ne tromperay ny vos esperances ny
 vos desirs, & que ie sacrifieray pour le maintien
 & le reſtabliſſement de cet Estat tout ce que i'ay
 de fortune & de vie. C'est pourquoy *mes chers*
compagnons, puisque la saison est commode
 trauaillons iour & nuict à reduire en veritables
 effets ce qu'on a esperé de nous, nous auons la
 cause de Dieu & du Roy entre les mains, du
 plus Auguste Senat, & du plus grand peuple du
 monde, faisons en sorte qu'il ne nous soit pas
 reproché, que par nostre nonchalence nous
 l'ayons laissée perdre. Nous auons affaire à des
 ennemis foibles, mais temeraires, ménageons

adroitement nos fortunes : le ſçay meſme que la pluſpart de leurs Chefs & de leurs ſoldats ſont contraincts par vne folle obeïſſance de tourner les armes contre nous, & qu'ils recognoiſſent euidentement que c'eſt à eux-mesmes qu'ils font la guerre, qu'à noſtre premiere marche ils ſe debanderont ou ſe tourneront de noſtre coſté. Enfin quelque choſe qui en arriue, nous ne pouuons eſperer qu'une heureuſe victoire, & en cette occaſion ma ſupreſme felicité ſera de mourir avec vous, & d'auoir vne fortune pareille. Aſſurez-vous, en ce que ie vous diſ, & que ie ne vous abandonneray iamais.

F I N.

